

Ҳадис дарслари (232-дарс) Жинсий яқинлик ва эҳтиломдан кейин ғусл қилган одамда қон юриши яхшиланади



19:00 / 24.05.2023 2372

«Ғусл» сўзи луғатда бирор нарсанинг устидан сув оқизиш деган маънони англатади.

Шариатда эса Аллоҳ таолога қурбат ниятида баданнинг ҳаммасига сув оқизишга айтилади.

Ғуслнинг шариатимизда вожиб қилинишининг ҳикматлари кўп.

Аввало у ибодат, Аллоҳга қурбат ҳосил қилиш учун зарур нарса.

Иккинчидан, поклик, озодалик ва соғлиқ учун ўта муҳим омилдир.

Қолаверса, ғуслни вожиб қилувчи нарсалар туфайли инсон вужудида пайдо бўладиган баъзи нопокликларни кетказиш, маний кетиши ила жисм йўқотган нарсаларни қайта тиклашдир.

Жинсий яқинлик ва эҳтиломдан кейин ғусл қилган одамда қон юриши яхшиланади ва тетиклик тикланади.

Шунингдек, ният билан қилинган ғусл туфайли гуноҳлар ҳам ювилади.

جُنُبًا كُنْتُمْ وَإِنْ: يَلَاغَتْ هَلْ لَاقَاق

فَاطَهَرُوا

Аллоҳ таоло:

«Агар жунуб бўлсангиз, бас, покланинг», деган (Моида сураси, 6-оят).

تَغْتَسِلُوا حَتَّى سَبِيلِ عَابِرِي إِلَّا جُنُبًا وَلَا: لَاقَو

Ва яна:

«**Ва жунуб ҳолингизда, то ғусл қилмагунингизча** (масжидда турманг) **магар йўлдан ўтсангиз**», деган. (Нисо сураси, 43-оят)

«**Жунуб**» сўзи луғатда «**четда турувчи**» деган маънони англатади.

Шариатда эса жинсий яқинлик, уйқуда булғаниш ва бошқа сабабга кўра маний чиқариб, ғусл вожиб бўлган шахсга нисбатан айтилади.

Ғусл вожиб бўлган одам намоздан, Қуръондан, масжиддан ва шариат кўрсатган бошқа нарсалардан четда бўлганлиги учун ҳам «жунуб» номини олган.

Биринчи оятда жунуб бўлган одам покланиши, яъни ғусл қилиши вожиблиги таъкидланмоқда.

Иккинчи оятда эса жунуб одам ғусл қилмагунча масжидда тура олмаслиги, магар ғусл қилиш учун ўтишга бошқа йўл бўлмаса, масжид орқали ўтиши

мумкинлиги ҳақида сўз бормоқда.

Демак, жунублик одамнинг баъзи бир нарсалардан четда туришига сабаб бўлар экан.

هُلِّلَا يَضَرَّ رَءْيِيَّ رَهْ يَبَا نَع
هُلِّلَا يَلَّصَّ يَبِّنَلَا نَع، هُنَّ ع
سَلَجَ إِذَا: لَأَقَمَّ لَسَوِ هِيَ لَع
مُتَّعَ بَرَّأَلَا أِهَبَّ عُشَّ نِيَّ ب
لُسُغَلَا بَجَّ وَدَقَفَ أَدَدَهَج
لَزْنِيَّ مَلُّ نَأُو: هِيَ أَوْرِي فَو
نَاتِخَلَا سَمَّو: يَخُأ ي فَو
أَلِة سَمَّخَلَا هَأَوْر. نَاتِخَلَا
يِذْمَرَّتَلَا

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Қачонки у (эр) у(хотин)нинг тўрт мучаси (қўл-оёғи) орасига ўтирса ва унга яқинлик қилса, батаҳқиқ, ғул вожиб бўлади», дедилар».

Бошқа ривоятда:

«Агар тўкмаса ҳам», дейилган.

Яна бошқа бир ривоятда:

«Хатна қилинган жой хатна қилинган жойга тегса», деганлар.

Бешовларидан фақат Термизий ривоят қилмаган.

Бу ҳадисда ғуслни вожиб қилувчи сабабларнинг энг асосийси ҳақида сўз юритилмоқда. Пайғамбаримиз соллаллоҳу алайҳи васаллам жинсий яқинликни англатувчи сўзни очиқчасига айтмай, пардали тарзда баён қилмоқдалар.

Ҳадисдан олинадиган фойдалар:

1. Жинсий яқинликдан кейин ҳам эрга, ҳам хотинга ғусл вожиб бўлади.
2. Жинсий яқинликда маний тўкилишининг ғусл вожиб бўлишига алоқаси йўқ. Жинсий алоқа бўлдими, маний тушса ҳам, тушмаса ҳам ғусл вожиб бўлаверади. Бу «**Агар туширмаса ҳам**» деган жумладан билинади.
3. Ғусл вожиб бўлиши учун эркакнинг хатна қилинадиган жойи аёлнинг хатна қилинадиган жойига тегса бўлди. Иссиқ минтақаларда, хусусан, араб юртларида қизларни ҳам хатна қилиш одати бор. Унда фаржнинг ичидаги бир оз ўсиб турадиган қисми хатна қилинади. Уламоларимиз «**Эркакнинг хатна қилинган жойи аёлнинг хатна қилинган жойига тегиши учун эркак аъзосининг бош қисми аёл аъзосига кириши керак**», дейдилар. Ана шу ҳолат юзага келганида икковларига ҳам ғусл вожиб бўлади.

أَهْنَعُ هَلَلًا يَضَرَّ شَيْئًا نَع
يَبْنُلًا لَأَسْ أَلْجَرُّ نَا: تَلْأَق
نَعَمْ لَسَوْ هَيْلَعُ هَلَلًا يَلَص
مُتْ هَلْهَأْ عَمَّاجِي لُجْرَلَا

لَسُّعُ لِمَا مَهِيَ لَعَلَّه لَسُّكُي
لُؤْسَر لَاقَفُ ةَسَل لَاجُ ةَشِيءَاغُو
اِنَّا كَلَّ ذُلَّعُ فَاَل يِّنَا : رَهَل لَ ا
هُ اَوْر . لَسَّ تَعْنُ مُمُ ثِ وِدَّهَو
مُ لَسُّمُ

Оиша розияллоҳу анҳодан ривоят қилинади:

«Бир одам аҳлига яқинлик қилиб, маний тўкилмаган киши ҳақида, «Икковларига ғул вожиб бўладими?», деб сўради. Оиша ўша ерда ўтирган эди. Бас, Расулulloҳ соллаллоҳу алайҳи васаллам:

«Албатта, мен буни манави билан қиламан. Сўнгра ғул қиламиз», дедилар».

Муслим ривоят қилган.

Ушбу ҳадиси шарифда жинсий алоқа пайтида маний тўкилмаса ҳам барибир эркакка ҳам, аёлга ҳам ғул вожиб бўлиши таъкидланмоқда. Сўровчи саволида «**икковларига ғул вожиб бўладими?**» деб, ҳам эр, ҳам хотин ҳақида сўрамоқда. Пайғамбаримиз соллаллоҳу алайҳи васаллам ҳам ўз жавобларида:

«Албатта, мен буни манави билан қиламан. Сўнгра ғул қиламиз», деб, Оиша онамизни кўрсатмоқдалар ва маний тушмаса ҳам эр-хотинга баробар ғул вожиб бўлишини таъкидламоқдалар. Шундан бу Пайғамбаримиз соллаллоҳу алайҳи васалламнинг ўзлари қилган иш эканлигини билиб олмоқдамиз.

«Ҳадис ва ҳаёт» китобининг 4-жузи асосида тайёрланди.

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.

